

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
VLADA**

Broj: 02-01-23648-1/14.
Zenica, 04.12.2014. godine

Z A P I S N I K

sa 194. sjednice Vlade Zeničko-dobojskog kantona održane 04.12.2014. godine

Sjednica je održana u sali 109, prvi sprat u zgradi Kantona, dana 04.12.2014. godine u trajanju od 10¹⁵ do 12⁵⁸ sati.

Sjednicom je predsjedavao Munib Husejnagić, premijer Zeničko-dobojskog kantona.

Sjednici su prisustvovali članovi Vlade:

1. Bojan Bošnjak, ministar Ministarstva za poljoprivredu, šumarstvo i vodoprivredu,
2. Ivica Ćurić, ministar Ministarstva za rad, socijalnu politiku i izbjeglice,
3. Nedžad Lokmić, ministar Ministarstva za boračka pitanja,
4. Rifat Delić, ministar Ministarstva unutrašnjih poslova,
5. Mirko Trifunović, ministar Ministarstva za obrazovanje, nauku, kulturu i sport,
6. Muhamed Husić, ministar Ministarstva za privredu,
7. Senka Balorda, ministrica Ministarstva zdravstva, zbog obaveza sjednicu napustila u 11⁴⁰ h;
8. Sabina Heljić, ministrica Ministarstva finansija, sjednici se priključila u 10³⁰ sati;
9. Edin Terzić, ministar Ministarstva za prostorno uređenje, promet i komunikacije i zaštitu okoline,

kao i:

1. Berjana Ačkar, sekretar Vlade,
2. Mirsad Kadić, sekretar Sekretarijata za zakonodavstvo,
3. Jasna Ahmetspahić, portparol,
4. Azra Smailbegović-Đ., zapisničar.

U svojstvu izvjestioca sjednici je prisustvovao Senaid Begić, direktor Zavoda zdravstvenog osiguranja Zeničko-dobojskog kantona.

Premijer je stavio na diskusiju predloženi

D N E V N I R E D :

1. Verifikacija Zapisnika sa 190. sjednice Vlade Zeničko-dobojskog kantona, održane dana 06.11.2014. godine;
2. Prijedlog Odluke o davaju saglasnosti na Finansijski plan Zavoda zdravstvenog osiguranja za 2015. godinu, i Prijedlog Odluke o načinu izvršenja Finansijskog plana za 2015. godinu, sa Prijedlogom Zaključka o usvajanju;
Izvjestilac za tačku 2: Senaid Begić, direktor
3. Prijedlog Odluke o odobravanju sredstava za izradu Strategije zdravstva Zeničko-dobojskog kantona za period 2014-2020. godina;

4. Prijedlog Zaključka o izuzimanju od primjene Plana novčanih tokova za mjesec novembar i decembar 2014. godine;
5. Prijedlog Rješenja o stavljanju van snage Rješenja o imenovanju ekspertnog tima za izradu Strateškog plana zdravstvene zaštite u Zeničko-dobojskom kantonu za period 2014-2020;
6. Prijedlog Rješenja o stavljanju van snage Rješenja o imenovanju Stručnog savjeta za izradu Strateškog plana zdravstvene zaštite na području Zeničko-dobojskog kantona;
Izvjestilac: Senka Balorda, ministrica
7. Prijedlog Odluke o odobravanju sredstava za finansiranje političkih stranaka i koalicija političkih stranaka zastupljenih u Skupštini Zeničko-dobojskog kantona za mjesec novembar 2014. godine;
Izvjestilac: Sabina Heljić, ministrica
8. Prijedlog Odluke o uspostavljanju Programa postinvesticione podrške ulagačima;
Izvjestilac: Muhamed Husić, ministar
9. Prijedlog Rješenja o razrješenju i konačnom imenovanju člana Školskog odbora Gimnazija „Edhem Mulabdić“ Maglaja;
10. Prijedlog Rješenja o imenovanju Monitoring tima za praćenje realizacije Strategije kulturne politike Zeničko-dobojskog kantona za period 2014-2020;
Izvjestilac: Mirko Trifunović, ministar
11. Prijedlog Rješenja o formiranju Projektne implementacione jedinice (PIU) za realizaciju projekta u Kantonalnoj bolnici Zenica;
Izvjestilac: Edin Terzić, ministar
12. Prijedlog Zaključka o izmjenama Programa utroška sredstava planiranih Budžetom Zeničko-dobojskog kantona za 2014. godinu, u razdjelu 20 - Ministarstvo za rad, socijalnu politiku i izbjeglice;
13. Prijedlog Pravilnika o izmjenama i dopunama Pravilnika o unutrašnjoj organizaciji Ministarstva za rad, socijalnu politiku i izbjeglice;
Izvjestilac: Ivica Ćurić, ministar
14. Prijedlog zaključka o odobravanju sredstava na ime sanacije štete u animalnoj proizvodnji nastale kao posljedica poplava – klizišta krajem maja 2014. godine;
15. Prijedlog Zaključka o odobravanju sredstava otkupljivačima mlijeka;
Izvjestilac: Bojan Bošnjak, ministar
16. Prijedlog Odluke o načinu isplate odobrenih sredstava za pomoć u saniranju dijela direktnih šteta usljed prirodne nesreće kod poslovnih subjekata sa područja Zeničko-dobojskog kantona;
Izvjestilac: Premijer Zeničko-dobojskog kantona
17. Prijedlog Zaključka o trajnom ustupanju stalnih sredstava bez naknade - ustupanje jednog računara Sindikalnoj organizaciji kantonalnih organa državne službe Zeničko-dobojskog kantona;
Izvjestilac: Berjana Ačkar, sekretar Vlade

Predložene su slijedeće dopunske tačke:

1. Prijedlog Odluke o preraspodjeli sredstava o preraspodjeli sredstava u Budžetu Zeničko-dobojskog kantona za 2014. godinu, između Ministarstva za pravosuđe i upravu i Kantonalnog tužilaštva;
2. Prijedlog Uredbe o izmjeni Uredbe o naknadama i drugim materijalnim pravima koja nemaju karakter plaće;
Predlagač: Rifat Delić, ministar

3. Izvještaj o realizaciji ponovljenog Javnog poziva za prikupljanje zahtjeva za odobravanje i dodjelu finansijskih sredstava - pomoći namijenjenih saniranju dijela direktnih šteta usljed poplava kod privrednih subjekata
Predlagač: Muhamed Husić, ministar.

Članovi Vlade su se složili sa predloženim dopunama te je za sjednicu jednoglasno usvojen slijedeći

DNEVNI RED :

1. Verifikacija Zapisnika sa 190. sjednice Vlade Zeničko-dobojskog kantona, održane dana 06.11.2014. godine;
2. Prijedlog Odluke o davaju saglasnosti na Finansijski plan Zavoda zdravstvenog osiguranja za 2015. godinu, i Prijedlog Odluke o načinu izvršenja Finansijskog plana za 2015. godinu, sa Prijedlogom Zaključka o usvajanju;
Izvjestilac za tačku 2: Senaid Begić, direktor
3. Prijedlog Odluke o odobravanju sredstava za izradu Strategije zdravstva Zeničko-dobojskog kantona za period 2014-2020. godina;
4. Prijedlog Zaključka o izuzimanju od primjene Plana novčanih tokova za mjesec novembar i decembar 2014. godine;
5. Prijedlog Rješenja o stavljanju van snage Rješenja o imenovanju ekspertnog tima za izradu Strateškog plana zdravstvene zaštite u Zeničko-dobojskom kantonu za period 2014-2020;
6. Prijedlog Rješenja o stavljanju van snage Rješenja o imenovanju Stručnog savjeta za izradu Strateškog plana zdravstvene zaštite na području Zeničko-dobojskog kantona;
Izvjestilac: Senka Balorda, ministrica
7. Prijedlog Odluke o odobravanju sredstava za finansiranje političkih stranaka i koalicija političkih stranaka zastupljenih u Skupštini Zeničko-dobojskog kantona za mjesec novembar 2014. godine;
Izvjestilac: Sabina Heljić, ministrica
8. Prijedlog Odluke o uspostavljanju Programa postinvesticione podrške ulagačima;
Izvjestilac: Muhamed Husić, ministar
9. Prijedlog Rješenja o razrješenju i konačnom imenovanju člana Školskog odbora Gimnazija „Edhem Mulabdić“ Maglaja;
10. Prijedlog Rješenja o imenovanju Monitoring tima za praćenje realizacije Strategije kulturne politike Zeničko-dobojskog kantona za period 2014-2020;
Izvjestilac: Mirko Trifunović, ministar
11. Prijedlog Rješenja o formiranju Projektne implementacione jedinice (PIU) za realizaciju projekta u Kantonalnoj bolnici Zenica;
Izvjestilac: Edin Terzić, ministar
12. Prijedlog Zaključka o izmjenama Programa utroška sredstava planiranih Budžetom Zeničko-dobojskog kantona za 2014. godinu, u razdjelu 20 - Ministarstvo za rad, socijalnu politiku i izbjeglice;
13. Prijedlog Pravilnika o izmjenama i dopunama Pravilnika o unutrašnjoj organizaciji Ministarstva za rad, socijalnu politiku i izbjeglice;
Izvjestilac: Ivica Ćurić, ministar
14. Prijedlog zaključka o odobravanju sredstava na ime sanacije štete u animalnoj proizvodnji nastale kao posljedica poplava – klizišta krajem maja 2014. godine;
15. Prijedlog Zaključka o odobravanju sredstava otkupljivačima mlijeka;
Izvjestilac: Bojan Bošnjak, ministar

16. Prijedlog Odluke o načinu isplate odobrenih sredstava za pomoć u saniranju dijela direktnih šteta usljed prirodne nesreće kod poslovnih subjekata sa područja Zeničko-dobojskog kantona;
Izjavitelj: Premijer Zeničko-dobojskog kantona
17. Prijedlog Zaključka o trajnom ustupanju stalnih sredstava bez naknade - ustupanje jednog računara Sindikalnoj organizaciji kantonalnih organa državne službe Zeničko-dobojskog kantona;
Izjavitelj: Berjana Ačkar, sekretar Vlade
18. Prijedlog Odluke o preraspodjeli sredstava o preraspodjeli sredstava u Budžetu Zeničko-dobojskog kantona za 2014. godinu, između Ministarstva za pravosuđe i upravu i Kantonalnog tužilaštva;
19. Prijedlog Uredbe o izmjeni Uredbe o naknadama i drugim materijalnim pravima koja nemaju karakter plaće;
Predlagač: Rifat Delić, ministar
20. Izvještaj o realizaciji ponovljenog Javnog poziva za prikupljanje zahtjeva za odobravanje i dodjelu finansijskih sredstava - pomoći namijenjenih saniranju dijela direktnih šteta usljed poplava kod privrednih subjekata
Predlagač: Muhamed Husić, ministar.

Prva tačka dnevnog reda

Vlada je jednoglasno verificirala zapisnik sa 190. sjednice Vlade Zeničko-dobojskog kantona, održane dana 06.11.2014. godine.

Druga tačka dnevnog reda

Obrazloženje za ovu tačku dnevnog reda dao je Senaid Begić, direktor Zavoda zdravstvenog osiguranja Zeničko-dobojskog kantona.

U diskusiji su učestvovali: Premijer Zeničko-dobojskog kantona, Ministrica Ministarstva zdravstva, Ministar Ministarstva za rad, socijalnu politiku i izbjeglice, Ministar Ministarstva za poljoprivredu, šumarstvo i vodoprivredu

Vlada je jednoglasno donijela Zaključak kojim se utvrđuje prijedlog Odluke o davanju saglasnosti na Finansijski plan Zavoda zdravstvenog osiguranja Zeničko-dobojskog kantona za 2015. godinu, sa Odlukom o načinu izvršenja Finansijskog plana za 2015. godinu.

Prijedlog Odluke iz tačke I. ovog Zaključka upućuje se u dalju skupštinsku proceduru. Zaključak stupa na snagu danom donošenja.

Treća tačka dnevnog reda

Obrazloženje za ovu tačku dnevnog reda dala je Ministrica Ministarstva zdravstva.

Vlada je jednoglasno donijela Odluku o odobravanju sredstava za izradu Strategije zdravstva Zeničko-dobojskog kantona za period 2014.-2020. godina

Član 1.

(Predmet Odluke)

Odobravaju se finansijska sredstva u iznosu od 55.000,00 KM (slovima: pedesetpethiljada konvertibilnih maraka) za izradu Strategije zdravstva Zeničko-dobojskog kantona za period 2014.-2020. godina, kao dio ukupnih sredstava potrebnih za realizaciju izrade Strategije.

Iznos sredstava za izradu Strategije zdravstva Zeničko-dobojskog kantona za period 2014.-2020. godina, iznad iznosa odobrenog ovom odlukom, će se finansirati iz sredstava Kantonalnog zavoda za javno zdravstvo.

Član 2.

(Izvori finansiranja)

Sredstva iz člana 1. ove Odluke isplatit će se iz Budžeta Zeničko-dobojskog kantona za 2014. godinu, razdjel 21, budžetska organizacija 01, potrošačka jedinica 0001-Ministarstvo zdravstva, ekonomski kod 614300, subanalitika LAX008- Tekući transfer za Kantonalni zavod za javno zdravstvo.

Član 3.

(Provođenje)

Zadužuje se Kantonalni zavod za javno zdravstvo da, u skladu sa Zakonom o javnim nabavkama u BiH, provede proceduru odabira najpovoljnijeg ponuđača za izradu Strategije.

Stručni nadzor nad realizacijom izrade Strategije zdravstva Zeničko-dobojskog kantona za period 2014.-2020. godina će vršiti Stručni savjet, kojeg imenuje ministrica zdravstva.

Član 4.

(Izveštavanje)

Kantonalni zavod za javno zdravstvo dužan je izvjestiti Ministarstvo zdravstva o utrošku namjenskih sredstava odobrenih ovom odlukom.

Član 6.

(Stupanje na snagu)

Odluka stupa na snagu danom donošenja, a bit će objavljivanja u «Službenim novinama Zeničko-dobojskog kantona».

Četvrta tačka dnevnog reda

Obrazloženje za ovu tačku dnevnog reda dala je Ministrica Ministarstva zdravstva.

Vlada je jednoglasno donijela Zaključak kojim se iz Primjene Plana novčanih tokova Budžeta Zeničko-dobojskog kantona za mjesec novembar i decembar 2014. godine izuzimaju slijedeći tekući transferi iz nadležnosti Ministarstva zdravstva:

- Tekući transfer za Kantonalni zavod za bolesti ovisnosti, ekonomski kod 614300, subanalitika LAX 005
- Tekući transfer za Kantonalni zavod za medicinu rada i sportsku medicinu, ekonomski kod 614300, subanalitika LAX 007
- Tekući transfer za Kantonalni zavod za javno zdravstvo, ekonomski kod 614300, subanalitika LAX 0008
- Tekući transfer za Kantonalni zavod za medicinu rada i sportsku medicinu-zdravstvena zaštita sportaša, ekonomski kod 614300, subanalitika LAX 011.

Tekući transferi iz člana I. će se izvršiti u visini 100% linearnog mjesečnog plana i to kako slijedi:

Vrsta tekućeg transfera	Novembar 2014.godine	Decembar 2014.godine
Tekući transfer za Kantonalni zavod za bolesti ovisnosti	16.4 17 KM	16.4 17 KM
Tekući transfer za Kantonalni zavod za medicinu rada i sportsku medicinu	4.10 5 KM	4.10 5 KM
Tekući transfer za Kantonalni zavod za javno zdravstvo	4.10 5 KM	4.10 5 KM
Tekući transfer za kantonalni zavod za medicinu rada i sportsku medicinu-zdravstvena zaštita sportaša	12.3 13 KM	12.3 13 KM

Za realizaciju ovog zaključka zadužuje se Ministarstvo zdravstva i Ministarstvo finansija, svako u okviru svoje nadležnosti.

Zaključak stupa na snagu danom donošenja.

Peta tačka dnevnog reda

Obrazloženje za ovu tačku dnevnog reda dala je Ministrica Ministarstva zdravstva.

Vlada je jednoglasno donijela Rješenje kojim se stavlja van snage rješenje o imenovanju Ekspetnog tima za izradu strateškog plana zdravstvene zaštite na području Zeničko-dobojskog kantona broj: 02-37-15005/14 od 25.07.2014. godine.

Ovo rješenje stupa na snagu danom donošenja.

Šesta tačka dnevnog reda

Obrazloženje za ovu tačku dnevnog reda dala je Ministrica Ministarstva zdravstva.

Diskutovala je Sekretar Vlade.

Vlada je jednoglasno donijela Zaključak kojim se stavlja van snage Rješenje o imenovanju Stručnog savjeta za izradu strateškog plana zdravstvene zaštite na području Zeničko-dobojskog kantona broj: 02-37-18198/14 od 12.09.2014. godine.

Ovo rješenje stupa na snagu danom donošenja.

Sedma tačka dnevnog reda

Vlada je jednoglasno donijela Odluku o raspodjeli sredstava za finansiranje političkih stranaka i koalicija političkih stranaka zastupljenih u Skupštini Zeničko-dobojskog kantona za mjesec novembar 2014. godine

Član 1.

(Predmet Odluke)

Ovom Odlukom odobrava se isplata sredstava u iznosu od 32.833,33 KM (slovima: tridesetdvije hiljadeosamstotinatrideseettri/33 konvertibilnih maraka) za političke stranke i koalicije političkih stranaka zastupljene u Skupštini Zeničko-dobojskog kantona, za mjesec novembar 2014. godine.

Član 2.

(Raspored sredstava)

Sredstva iz člana 1. Ove Odluke raspoređuju se na način da se:

- 30% sredstava dijeli jednako svim političkim strankama, odnosno koalicijama političkih stranaka koje su osvojile mandate u Skupštini Zeničko-dobojskog kantona,
- 60% sredstava dijeli prema broju poslaničkih mandata koje svaka politička stranka i koalicija političkih stranaka zastupljena u Skupštini Kantona, ima u trenutku dodjele mandata,
- 10% od ukupnog iznosa raspoređuje se klubovima poslanika srazmjerno broju poslaničkih mjesta koja pripadaju manje zastupljenom spolu.

Član 3.

(Trenutak raspodjele)

Kao trenutak raspodjele sredstava iz člana 2. ove Odluke smatra se dan donošenja Odluke Vlade Kantona o raspodjeli istih.

Član 4.

(Budžetska organizacija i ekonomski kod)

Isplata sredstava iz člana 1. ove odluke će se izvršiti na osnovu Zakona o izvršavanju budžeta Zeničko-dobojskog kantona za 2014. godinu ("Službene novine Zeničko-dobojskog

kantona”, broj: 15/13), sa razdjela 10, budžetska organizacija 01, potrošačka jedinica 0001-Skupština Kantona, ekonomski kod 614300, Pozicija „Tekući transfer za finansiranje političkih stranaka, koalicija političkih stranaka i nezavisnih poslanika.“

Član 5.

(Realizacija Odluke)

Za realizaciju ove odluke zadužuju se Ministarstvo finansija Zeničko-dobojskog kantona i Stručna služba Skupštine Zeničko-dobojskog kantona, svako u okviru svoje nadležnosti.

Član 6.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Osma tačka dnevnog reda

Obrazloženje za ovu tačku dnevnog reda dao je Ministar Ministarstva za privredu.

U diskusiji su učestvovali: Premijer Zeničko-dobojskog kantona, Ministrica Ministarstva finansija, Ministar Ministarstva za poljoprivredu, šumarstvo i vodoprivredu, Ministar Ministarstva za prostorno uređenje, promet i komunikacije i zaštitu okoline.

Vlada je jednoglasno donijela Odluku o uspostavljanju Programa postinvesticione podrške ulagačima

Član 1.

(Predmet Odluke)

Ovom odlukom uspostavlja se Program postinvesticione podrške ulagačima na području Zeničko-dobojskog kantona (u daljem tekstu: Program) radi podsticanja direktnih stranih i domaćih ulaganja u Zeničko-dobojskom kantonu, te potpunije koordinacije i saradnje s institucijama općinskog, entitetskog i nivoa Bosne i Hercegovine u oblasti direktnih stranih i domaćih ulaganja i podsticanja ekonomskog razvoja Kantona.

Član 2.

(Način realizacije Programa)

(1) U skladu sa članom 1. ove odluke, Program se ostvaruje na osnovu Saradničke mreže za postinvesticionu podršku investitorima koja uključuje institucije na svim nivoima vlasti u Bosni i Hercegovini (općinski, kantonalni, entitetski i državni nivo) u saradnji sa Agencijom za unapređenje stranih investicija u Bosni i Hercegovini (FIPA).

(2) Ministarstvo za privredu Zeničko-dobojskog kantona zaduženo je za sprovođenje Programa u Kantonu.

Član 3.

(Ciljevi Programa)

Ciljevi Programa su:

- a) Pružanje postinvesticione podrške postojećim stranim i domaćim ulagačima u Zeničko-dobojskom kantonu radi otklanjanja prepreka s kojima se susreću u svom poslovanju kako bi se potaknuli na dodatno reinvestiranje, te podrška stranim i domaćim ulagačima da identifikuju nove prilike za ulaganja;
- b) Redovne posjete stranim i domaćim ulagačima, pružanje podrške stranim i domaćim ulagačima u rješavanju problema u poslovanju;
- c) Podrška stranim firmama u procesu investiranja, a naročito kod prikupljanja dokumentacije u nadležnosti kantona i dobijanja dozvola i saglasnosti u nadležnosti kantona;
- d) Povezivanje stranih i domaćih ulagača sa poslovnom, akademskom, tehničkom i društvenom zajednicom Zeničko-dobojskog kantona radi integriranja stranih i domaćih ulagača u lokalnu zajednicu.

Član 4.

(Koordinator Programa)

- (1) Za realizaciju Programa, pored subjekata iz člana 2. ove odluke, nadležan je koordinator Programa.
- (2) Koordinatora Programa imenuje ministar Ministarstva za privredu Zeničko-dobojskog kantona.
- (3) Koordinator Programa realizuje Program u okviru svojih redovnih radnih zadataka i ne prima dodatnu naknadu za svoj rad na Programu.

Član 5.

(Zadaci koordinatora Programa)

Koordinator Programa obavlja sljedeće zadatke:

- a) Priprema plan realizacije i akcioni plan Programa na godišnjem nivou;
- b) Uspostavlja i održava saradnju unutar Kantona i s institucijama na svim nivoima vlasti radi realizacije Programa;
- c) Ostvaruje ciljeve Programa iz člana 3. ove odluke;
- d) Obavlja tehničko-administrativne poslove i mjeri rezultate učinka Programa na godišnjem nivou kroz vođenje investicionih indikatora.

Član 6.

(Provedbeni propisi)

Interni provedbeni akti vezani za obavljanje zadataka iz člana 3. ove odluke, za koje je nadležno Ministarstvo za privredu Zeničko-dobojskog kantona, donijet će se u roku od 30 dana od dana stupanja na snagu Odluke.

Član 7.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Deveta tačka dnevnog reda

Obrazloženje za ovu tačku dnevnog reda dao je Ministar Ministarstva za obrazovanje, nauku, kulturu i sport.

Vlada je jednoglasno donijela Rješenje o razrješenju i konačnom imenovanju novog člana Školskog odbora iz reda Vijeća roditelja Gimnazije „Edhem Mulabdić“, Maglaj

Razrješava se članstva u Školskom odboru Gimnazije „Edhem Mulabdić“, Maglaj:

1. Osmić Edin – član, iz reda roditelja.

Imenuje se član Školskog odbora Gimnazije „Edhem Mulabdić“, Maglaj:

2. Muhamedović Enis – član, iz reda roditelja.

Član Školskog odbora iz tačke II ovog rješenja imenuju se do isteka mandata Školskog odbora Gimnazije „Edhem Mulabdić“, Maglaj.

Rješenje stupa na snagu danom donošenja, a bit će objavljeno u „Službenim novinama Zeničko-dobojskog kantona“.

10. tačka dnevnog reda

Obrazloženje za ovu tačku dnevnog reda dao je Ministar Ministarstva za obrazovanje, nauku, kulturu i sport.

Diskutovao je Premijer Zeničko-dobojskog kantona.

Vlada je jednoglasno donijela Rješenje o imenovanju Monitoring tima za praćenje realizacije Strategije kulturne politike Zeničko-dobojskog kantona za period 2014.-2020. godina

Imenuje se Monitoring tim za praćenje realizacije Strategije kulturne politike Zeničko-dobojskog kantona za period 2014.-2020. godina, u sastavu:

1. Esad Delibašić, predsjednik-Filozofski fakultet Zenica
2. Slavica Hrnkaš, član-Opća biblioteka Zenica
3. Damir Kukić, član-Filozofski fakultet Zenica
4. Indira Heganović, član-Ministarstvo za obrazovanje, nauku, kulturu i sport
5. Rašida Muhić, član-JU Dom kulture „Edhem Mulabdić“ Maglaj
6. Esmir Bašić, član-Udruženje bibliotekara Zeničko-dobojskog kantona
7. Adnadin Jašarević, član-Muzej grada Zenice
8. Hazim Begagić, član-Bosansko narodno pozorište Zenica
9. Melih Karan, član-Ansambl „Bosnia folk“ Zenica
10. Ahmo Muharemović, član-Udruženje muzičkih pedagoga
11. Zijad Softić, član- općina Zenica
12. Nirka Omerović, član- općina Kakanj
13. Mensura Alibegović, član-općina Visoko
14. Senaida Gerin, član-općina Breza
15. Rusmir Berberović, član-općina Vareš
16. Esed Hadžiabdić član-općina Olovo
17. Mirjana Zvekić, član-općina Zavidovići
18. Jasmina Hodžić, član-općina Žepče
19. Nerma Zupčević, član-općina Maglaj
20. Azra Muslija, član-općina Tešanj
21. Ivo Topalović, član-općina Usora
22. Alma Numić, član-općina Doboj-Jug

Zadatak Monitoring tima je da analizira izvještaje općinskih službi iz Strategije kulturne politike Zeničko-dobojskog kantona za period 2014.-2020. godina, prati aktivnost svih zaduženih za realizaciju mjera, kao i realizaciju budžetskih sredstava namijenjenih za tu svrhu.

Monitoring tim će svake godine, na osnovu dostavljenih izvještaja nadležnih općinskih službi i ostalih zaduženih za realizaciju mjera, Vladi i Skupštini Kantona, podnositi izvještaj o realizaciji Strategije za prethodnu godinu.

U slučaju izmjene uslova za implementaciju zacrtanih i usvojenih ciljeva Strategije, ili značajnih odstupanja, Monitoring tim će mimo termina iz člana III ovog rješenje izvijestiti Vladu i Skupštinu Kantona.

Mandat Monitoring tima traje do podnošenja konačnog izvještaja Skupštini Zeničko-dobojskog kantona.

Monitoring tim će raditi u prostorijama i uz administrativno-tehničku pomoć Ministarstva za obrazovanje, nauku, kulturu i sport.

Ne predviđa se naknada za rad Monitoring tima.

Rješenje stupa na snagu danom donošenja i objavit će se u „Službenim novinama Zeničko-dobojskog kantona“.

11. tačka dnevnog reda

Obrazloženje za ovu tačku dnevnog reda dao je Ministar Ministarstva za prostorno uređenje, promet i komunikacije i zaštitu okoline.

U diskusiji su učestvovali: Premijer Zeničko-dobojskog kantona, Ministrica Ministarstva finansija.

Vlada je sa 7 glasova „za“ i jednim glasom „suzdržan“ donijela Rješenje o imenovanju Projektna implementacione jedinice (PIU)

Imenuje se Projektna implementaciona jedinica (PIU) na projektu ESCO-a Kantonalne bolnice u Zenici – Projekat energetske efikasnosti, u sastavu:

1. Rekanović Elmana, dipl.ing.arh., voditelj,
2. Bijedić Samir, dipl.ing.maš., član,
3. Islamović Edina, dipl.ing.arh., član,
4. Čizmić Sead, dipl.ing.hem., član,
5. Pojskić Aida, dipl.pravnik, član,
6. Avdić Muamer, dipl.ekonomista, član.

Zadaci Projektna implementacione jedinice (PIU) su da saraduje sa Konsultantskim timom EBRD (Ceteor-Green Max-CMS) tako da dostavlja sve informacije i pruži svu pomoć za vrijeme trajanja njihovog angažmana u svim fazama projekta, a to su:

- Izrada energetske audita,
- Izrada tenderske dokumentacije u realizaciji ESCO projekta u Kantonalnoj bolnici,
- Raspišivanje tendera i odabir najpovoljnijeg ponuđača.

Rješenje stupa na snagu danom donošenja.

12. tačka dnevnog reda

Obrazloženje za ovu tačku dnevnog reda dao je Ministar Ministarstva za rad, socijalnu politiku i izbjeglice.

Vlada je jednoglasno donijela Zaključak o izmjenama Programa utroška sredstava planiranih Budžetom Zeničko-dobojskog kantona za 2014. godinu, u razdjelu 20-Ministarstvo za rad, socijalnu politiku i izbjeglice

Vrši se izmjena Programa utroška sredstava planiranih Budžetom Zeničko-dobojskog kantona za 2014. godinu, broj: 02-14-3163-1/14 od 06.02.2014. godine, u razdjelu 20– Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, ekonomski kod 614200, pozicija: “Tekući transferi pojedincima”, i to:

1. II. - Sredstva za podsticaj povratka raseljenih lica i izbjeglica – KAD 202

Iznos u tekstu „440.318,00 KM“ mijenja se i glasi „390.318,00 KM“.

U ovom poglavlju u tački 1. „Finansiranje obnove stambenih objekata u funkciji povratka“, iznos u tekstu „100.000,00 KM“ mijenja se i glasi „50.000,00 KM“.

2. VIII. – Ostali socijalni transferi - KAD 207

Iznos u tekstu „945.450,00 KM“ mijenja se i glasi „1.295.450,00 KM“.

U ovom poglavlju tačka 2. mijenja se i glasi “Za snošenje dijela troškova implementacije projekta “Centar za rano podsticanje razvoja i ranu intervenciju djece sa posebnim potrebama predškolskog uzrasta Zenica” do kraja 2014. godine.....158.000 KM“

U ovom poglavlju u tački 7. tekst “Za potrebe i intervencije socijalno zaštitnog karaktera...” iznos u tekstu “291.630,00 KM” mijenja se i glasi “562.630,00 KM”.

Rekapitulacija programa utroška sredstava planiranih Budžetom Zeničko-dobojskog kantona za 2014. godinu u Ministarstvu za rad, socijalnu politiku i izbjeglice:

Ekono. kod	Subanalitika	Naziv pozicije	Planirani iznos u KM	Dinamika potrošnje
I 614200		Transfer pojedincima	30.085.682	
	KAD 201	Izdaci za raseljena lica	109.317	Prema mjesečnim operativnim planovima
	KAD 202	Sredstva za podsticaj povratka izbjeglih i raseljenih lica	390.318	Prema mjesečnim operativnim planovima
	KAD 203	Civilne žrtve rata	3.385.881	Prema mjesečnim operativnim planovima
	KAD 204	Smještaj u drugu porodicu	272.539	Prema mjesečnim operativnim planovima
	KAD 205	Naknada za porodijsko odsustvo	8.791.036	Prema mjesečnim operativnim planovima
	KAD 206	Zdravstvena zaštita neosiguranih lica	164.026	Prema mjesečnim operativnim planovima
	KAD 207	Ostali socijalni transferi	1.295.450	Prema mjesečnim operativnim planovima
	KAD 208	Transfer za alternativ smještaj	116.870	Prema mjesečnim operativnim planovima
	KAD 209	Naknada za pomoć i njegu drugog lica	2.355.996	Prema mjesečnim operativnim planovima
	KAD 211	Novčana pomoć za nezaposlene porodilje	171.890	Prema mjesečnim operativnim planovima
	KAD 213	Smještaj u ustanove socijalne zaštite	5.481.451	Prema mjesečnim operativnim planovima
	KAD 215	Stalna novčana pomoć	1.177.934	Prema mjesečnim operativnim planovima
	KAD 216	Osposobljavanje za život i rad	211.907	Prema mjesečnim operativnim planovima
	KAD 217	Dodatak na djecu	4.868.904	Prema mjesečnim operativnim planovima
	KAD 218	Jednokratna pomoć za opremu novorođenog djeteta	121.071	Prema mjesečnim operativnim planovima
	KAD 219	Pomoć u prehrani djeteta do 6 mj.i dodatna ishrana za majke dojilje	408.167	Prema mjesečnim operativnim planovima
	KAD 220	Transfer JU Službi za zapošljavanje za podsticaj aktivnih mjera zapošljavanja	556.075	Prema mjesečnim operativnim planovima
		Poticaji zapošljavanja mladih	206.850	Prema mjesečnim operativnim planovima
II 614300		Tekući transferi neprofitnim organizacijama	99.625	
	KAX 002	Tekući transfer udruženjima	14.625	Prema mjesečnim operativnim planovima
		Tekući transfer za Crveni križ	10.000	Prema mjesečnom operativnom planu
	KAX 003	Tekući transfer iz prihoda za obilježavanje Dječije nedjelje	75.000	Prema programu obilježavanja Dječije nedjelje
III 615100		Kapitalni transferi drugim nivoima vlasti	9.850	Prema mjesečnim operativnim planovima
IV 821500		Ostala osnivačka ulaganja	49.250	
U K U P N O I + II+ III+IV			30.244.407	

Za realizaciju ovog Zaključka zadužuju se Ministarstvo za rad, socijalnu politiku i izbjeglice i Ministarstvo finansija, svako u okviru svoje nadležnosti.

Zaključak stupa na snagu danom donošenja.

13. tačka dnevnog reda

Obrazloženje za ovu tačku dnevnog reda dao je Ministar Ministarstva za rad, socijalnu politiku i izbjeglice.

Vlada je jednoglasno donijela Zaključak kojim se daje saglasnost na Pravilnik o izmjenama i dopunama Pravilnika o unutrašnjoj organizaciji Ministarstva za rad, socijalnu politiku i izbjeglice, broj: 09-34-16463-5/12 od 03.12.2014. godine.

Zadužuje se Ministarstvo za rad, socijalnu politiku i izbjeglice da tri potpisana i ovjerena primjerka Pravilnika iz tačke I ovog zaključka dostavi Stručnoj službi Vlade radi ovjere saglasnosti, nakon čega će po jedan primjerak biti dostavljen Ministarstvu za pravosuđe i upravu i Sekretarijatu za zakonodavstvo, a jedan će biti vraćen Ministarstvu za rad, socijalnu politiku i izbjeglice.

Zaključak stupa na snagu danom donošenja.

14. tačka dnevnog reda

Obrazloženje za ovu tačku dnevnog reda dao je Ministar Ministarstva za poljoprivredu, šumarstvo i vodoprivredu.

U diskusiji su učestvovali: Premijer Zeničko-dobojskog kantona, Sekretar Vlade.

Vlada je jednoglasno donijela Zaključak kojim se odobrava isplata iznosa od 20.340,00 KM (slovima: dvadesthiljadatristotinečetrest konvertibilnih maraka) uzgajivačima sa područja Zeničko-dobojskog kantona, na ime sanacije štete od poplava-klizišta u animalnoj proizvodnji.

Odobrena sredstva iz tačke I ovog zaključka isplatiti će se iz Budžeta Zeničko-dobojskog kantona za 2014. godinu sa razdjela 23, budžetska organizacija 01, potrošačka jedinica 0001, ekonomski kod 614400, subanalitika NAD 402, pozicija "Subvencije za podsticaj razvoja u poljoprivrednoj proizvodnji".

Sredstva iz tačke I ovog Zaključka biti će isplaćena na žiro račune korisnika prema priloženom spisku sačinjenom na osnovu provjere ispunjenosti kriterija, koju je izvršila Uzgojno-seleksijska služba Ministarstva za poljoprivredu, šumarstvo i vodoprivredu.

Spisak uzgajivača od rednog broja 1. do 4. kojima je odobren iznos, sastavni je dio ovoga zaključka.

Za realizaciju ovog zaključka zadužuje se Ministarstvo za poljoprivredu, šumarstvo i vodoprivredu i Ministarstvo finansija Zeničko-dobojskog Kantona.

Zaključak stupa na snagu danom donošenja.

15. tačka dnevnog reda

Obrazloženje za ovu tačku dnevnog reda dao je Ministar Ministarstva za poljoprivredu, šumarstvo i vodoprivredu.

Diskutovala je Sekretar Vlade.

Vlada je jednoglasno donijela Zaključak kojim se odobravaju sredstva u iznosu od 45.626,58 KM (slovima: četrdesetpethiljadašestodvadesetšest i 58/100 konvertibilnih maraka) za otkup svježeg kravljeg mlijeka u periodu od IV kvartala 2012. do kraja III kvartala 2013. godine.

Odobrena sredstva iz tačke I ovog Zaključka isplatit će se iz Budžeta Zeničko-dobojskog kantona za 2014. godinu sa razdjela 23, budžetske organizacije 01, potrošačka jedinica 0001, ekonomski kod 614 400 NAD 402, pozicija "Subvencije za podsticaj razvoju u poljoprivrednoj proizvodnji".

Sredstva iz tačke I. ovog Zaključka isplatit će se sljedećim subjektima:

r/b	Podnosilac zahtjeva	Broj žiroračuna	Količina mlijeka u litrima	Iznos premije KM/1	Iznos podrške u KM
1.	OPZ "Ze-Vis" Zenica	154-260-20024206-50 Intesa SanPaolo Banka	190.643	0,02	3.812,86
2.	OPZ "Kapi života" p.o.Tešanj	140-501-0025-1311-75 Sberbank	1.382.041	0,02	27.640,82
3.	OZZ "Moštre" Visoko	1608010000001420 Vakufska banka	367.350	0,02	7.347,00
4.	OPZ "Inter Agro" p.o. Kakanj	140-603-1120-0002-91 Sberbank	39.050	0,02	781,00
5.	PO "Lastavica" Zenica	154-260-20024306-41 Intesa SanPaolo Banka	302.244	0,02	6.044,88
Ukupno			2.281.328		45.626,56

Za realizaciju ovog zaključka zadužuju se Ministarstvo za poljoprivredu, šumarstvo i vodoprivredu i Ministarstvo finansija Zeničko-dobojskog kantona u skladu sa zakonskim i pozakonskim aktima, svako u okviru svoje nadležnosti.

Usvajanjem ovog zaključka stavlja se van snage zaključak broj:02-14-1233/14 od 15. 01. 2014. godine.

Zaključak stupa na snagu danom donošenja.

16. tačka dnevnog reda

Obrazloženje za ovu tačku dnevnog reda dao je Premijer Zeničko-dobojskog kantona.

Vlada je jednoglasno donijela Odluku o načinu isplate odobrenih sredstava za pomoć u saniranju dijela direktnih šteta usljed prirodne nesreće kod poslovnih subjekata sa područja Zeničko-dobojskog kantona

Član 1. (Predmet)

Ovom odlukom reguliše se način isplate odobrenih sredstva Federalnog fonda za pomoć nastradalim područjima od prirodne nesreće na teritoriji Federacije Bosne i Hercegovine, usmjerena Zeničko-dobojskom kantonu za pomoć u saniranju dijela direktnih šteta usljed prirodne nesreće kod poslovnih subjekata sa područja Zeničko-dobojskog kantona.

Član 2. (Raspored sredstva)

Sredstva u iznosu od 600.000,00 KM dodjeljena Zeničko-dobojskom kantonu od strane Federalnog fonda za pomoć nastradalim područjima od prirodne nesreće na teritoriji Federacije Bosne i Hercegovine, raspoređuju se općinama Zeničko-dobojskog kantona i to :

Redni broj	Općine Zeničko-dobojskog kantona	Broj privrednih subjekata	Iznos po subjektu	Ukupno za općinu
1	Maglaj	171	2.000,00	342.000,00
2	Zenica	25	2.000,00	50.000,00
3	Doboj jug	24	2.000,00	48.000,00
4	Žepče	20	2.000,00	40.000,00
5	Olovo	15	2.000,00	30.000,00
6	Zavidovići	15	2.000,00	30.000,00
7	Tešanj	6	2.000,00	12.000,00
8	Vareš	5	2.000,00	10.000,00
9	Kakanj	2	2.000,00	4.000,00
10	Usora	2	2.000,00	4.000,00
11	Breza	1	2.000,00	2.000,00
12	Visoko	0	2.000,00	0,00
Ukupno		286		572.000,00

Sastavni dio ove Odluke je spisak poslovnih subjekata po općinama Zeničko-dobojskog kantona kojima su sredstva dodjeljena nakon okončanja procedure propisane u Javnom pozivu za odobravanje i dodjelu finansijskih sredstava iz Federalnog fonda – pomoći namjenjene za saniranje dijela direktnih šteta usljed poplava kod poslovnih subjekata, raspisanog od strane Ministarstva za privredu.

Član 3.
(Sredstva)

Sredstva za realizaciju ove Odluke uplaćena su od strane Federalnog fonda za pomoć nastradalim od prirodne nesreće na teritoriji Federacije Bosne i Hercegovine na budžetsku organizaciju 1101001 - Ured Premijera, ekonomski kod 614100 – Tekući transferi drugim nivoima vlasti.

Član 4.
(Realizacija odluke)

Za realizaciju ove Odluke zadužuje se Ministarstvo za privredu, Ured Premijera, Ministarstvo finansija i Općine Zeničko-dobojskog kantona, svako u okviru svoje nadležnosti.

Odluka će se realizovati uplatom odobrenih sredstava na račune općina Zeničko-dobojskog kantona namjenjenih za sanaciju šteta nastalih usljed prirodne nesreće odnosno poplava.

Član 5.
(Potpisivanje ugovora)

U skladu sa tačkom V Odluke o utvrđivanju kriterija, dodjeli i usmjeravanju sredstava nastradalim područjima Upravnog odbora Federalnog fonda za pomoć nastradalim područjima od prirodne nesreće na teritoriji Federacije Bosne i Hercegovine, broj: 01-14-10/14 od 04.09.2014. godine, direktor Fonda će potpisati ugovor sa korisnicima sredstava i predstavnicima općina Zeničko-dobojskog kantona na čijoj teritoriji će se vršiti saniranje šteta.

Član 6.
(Izveštavanje)

Zadužuju se općine Zeničko-dobojskog kantona na čijoj teritoriji će se vršiti saniranje šteta na poslovnim objektima, da u roku od 30 dana od dana realizacije potpisanih ugovora, dostave Vladi Zeničko-dobojskog kantona i Federalnom fondu za pomoć nastradalim područjima od prirodne nesreće na teritoriji Federacije Bosne i Hercegovine, Izvještaj o namjenskom utrošku sredstava (isplati) sa dokumentacijom i kopijama potpisanih ugovora.

Član 7.
(Stupanje na snagu)

Ova Odluka stupa na snagu danom donošenja i objavit će se u „Službenim novinama Zeničko-dobojskog kantona“.

17. tačka dnevnog reda

Obrazloženje za ovu tačku dnevnog reda dala je Sekretar Vlade.

U diskusiji su učestvovali: Premijer Zeničko-dobojskog kantona, Ministar Ministarstva za rad, socijalnu politiku i izbjeglice, Ministrica Ministarstva finansija, Ministar Ministarstva unutrašnjih poslova, Ministar Ministarstva za boračka pitanja.

Vlada je jednoglasno donijela Zaključak kojim se Sindikalnoj organizaciji kantonalnih organa državne službe Zeničko-dobojskog kantona ustupa na trajno korištenje, bez naknade stalno sredstvo:

Redni broj	Naziv stalnog sredstva	Nabavna cijena (KM)	Otpisana vrijednost (KM)	Sadašnja vrijednost (KM)
1.	Računar	1834,30	1834,30	0,00

Stalna sredstva iz tačke I. ovog zaključka će biti isknjižena iz knjigovodstvene evidencije Ministarstva za pravosuđe i upravu (ukupne nabavne vrijednosti 1834,30 KM, otpisane vrijednosti 1834,30 KM i sadašnje vrijednosti 0,00 KM).

Za realizaciju ovog zaključka zadužuju se Ministarstvo za pravosuđe i upravu i Ministarstvo finansija, svako u okviru svojih nadležnosti.

Zaključak stupa na snagu danom donošenja.

18. tačka dnevnog reda

Obrazloženje za ovu tačku dnevnog reda dao je Ministar Ministarstva unutrašnjih poslova.

U diskusiji su učestvovali: Premijer Zeničko-dobojskog kantona, Ministrica Ministarstva finansija, Sekretar Vlade.

Vlada je jednoglasno donijela Zaključak kojim se odlaže razmatranje Prijedloga Odluke o preraspodjeli sredstava u Budžetu Zeničko-dobojskog kantona za 2014. godinu, Ministarstva za pravosuđe i upravu kao predlagača.

Predlagač je dužan prijedlog Odluke dopuniti saglasnošću koju će pribaviti od donatora sredstava IPA fonda.

Zaključak stupa na snagu danom donošenja

19. tačka dnevnog reda

Obrazloženje za ovu tačku dnevnog reda dao je Ministar Ministarstva unutrašnjih poslova.

U diskusiji su učestvovali: Premijer Zeničko-dobojskog kantona, Ministrica Ministarstva finansija, Sekretar Sekretarijata za zakonodavstvo.

Vlada je jednoglasno donijela Uredbu o izmjeni Uredbe o dopuni Uredbe o izmjeni Uredbe o naknadama i drugim materijalnim pravima koja nemaju karakter plaće

Član 1.

(Naknade za prijevoz na posao i s posla)

Član 2. Uredbe o izmjeni Uredbe o dopuni Uredbe o izmjeni Uredbe o naknadama i drugim materijalnim pravima koja nemaju karakter plaće ("Službene novine Zeničko-dobojskog kantona", broj: 8/09, 14/13, 2/14, broj: 02-02-3240/14 od 12.2.2014. godine, broj: 02-02-13135/14 od 10.7.2014., broj:02-02-16871/14 od 28.8. 2014., broj: 02-02-19014/14 od 25.9.2014. i broj:02-02-21657/14 od 29.10.2014. - u daljem tekstu: Uredba), riječi: " primjenjivat će se od 1.12.2014." zamjenjuju se riječima: "primjenjivat će se od 1.1.2015."

Član 2.

(Objavljivanje)

Uredba će se objaviti u „Službenim novinama Zeničko-dobojskog kantona“.

20. tačka dnevnog reda

Obrazloženje za ovu tačku dnevnog reda dao je Ministar Ministarstva za privredu.

Vlada je jednoglasno donijela Zaključak kojim se usvaja Izvještaj o realizaciji ponovljenog Javnog poziva za prikupljanje zahtjeva za odobravanje i dodjelu finansijskih sredstava - pomoći namijenjenih saniranju dijela direktnih šteta usljed poplava kod privrednih subjekata, i čini sastavni dio ovog Zaključka..

Zadužuje se Ministarstvo privrede da aplikante koji su imali neuredne aplikacije, a navedene u tabeli 2.2. Izvještaja, pozove da svoje prijave dopune nedostajućom dokumentacijom, u roku od sedam dana od dana prijema poziva za dopunu.

Zadužuju se Ministarstvo za privredu i Ministarstvo finansija da realizuju ovaj zaključak u skladu sa Zakonom i podzakonskim aktima, svako u okviru svoje nadležnosti

Zaključak stupa na snagu danom donošenja.

Premijer je zaključio sjednicu u 12⁵⁸ sati.

SEKRETAR VLADE

Berjana Ačkar

PREMIJER

Munib Husejnagić, dipl.ing.maš.

ZAPISNIČAR

Azra Smailbegović-Đ.